

大金集禮第五卷

皇太后皇后

天會十三年尊奉 兩宮太皇太后

天德二年尊奉 永壽永寧宮

皇統元年冊 皇后

天德二年冊 徒單氏

雜錄

天會十三年尊奉 兩宮太皇太后

天會十三年九月八日 勅内外文武百僚等朕

席 祖宗二聖之休德托于士民君王之上涉道  
日淺罔知攸濟方賴 母儀自家之化成乎王道  
而 兩宮之號未極其崇朕用揚然夫推親以  
顯尊、古之制也維日殫四海之養而名稱未止  
如尊、何宜率舊章用資孝治 太祖皇帝皇后  
紇石烈氏 太宗皇帝皇后唐括氏皆位冠六宮  
屬尊一體在均厥禮奉正 鴻名並尊曰 太皇  
太后第當別之以宮如長信故事俟涼陰期畢有  
司擇日奉 冊具禮施行布告中外咸使聞知

天德二年尊奉 永壽永寧宮

天德二年正月 詔有司擇日奉冊唐殷國妃岐  
國太妃仍別建宮名合行典禮、官檢詳條具以  
聞差禮部外郎王競等三員監看成造 冊宝印  
并法初禮部郎中胡礪等三員監看成造匣盥床  
殿牌額等 命直學士劉長言撰 冊文禮部外  
郎王競書篆 冊宝 命太師勛太尉裴滿達充  
奉冊太尉太保宗本右丞同古辨充奉宝司徒外  
讀冊中書令引冊中書侍郎讀宝侍中引宝門下

侍郎各二員奉冊舉寶官各四員以三品已上攝  
允并差昇冊匣官各十八員昇寶盞官各十二員  
主當內侍二員及宣徽使通事舍人太常博士等  
正月二十五日行礼十七日挺稟合行儀禮准外  
禕衣大樂不用 冊寶法物二副 階玉冊每副  
五十條襍充首四片上面畫捧冊神農四十條充  
寫冊文鐫字貼金寶檢斗 座並用金寶用盤螭  
組鈕下銀水地四面銀雲鳳伴寶玉鏤用朱組大  
綾綬一條半幅長八尺梅紅綾明金盤雲鳳冊寶

匣盞床行馬等普用朱漆釵鳳帕褥法物等並依  
已行制度 皇太后於典禮合服禕衣若服禕衣  
皇帝合服通天冠絳紗袍樂用大樂百官衣服亦  
合依古切恐難送擬止服拜天之服 皇帝服靴  
袍樂用教坊百官公裳其日質明有司各具繳扇侍  
衛如儀及兵部約量差軍兵并文武百官皆兩官  
迎請引導前導官散從人衫帽 皇太后入內並趙受冊  
殿入 御幄侍衛如式次奉 冊太尉等俱以冊  
置於案引冊官押奉冊官並先入立於 殿西階

下奉宝司徒等俱以宝置于案引宝官押奉宝官  
並先入立於殿西階下皆盛以匣覆以帕詣

別殿門外幄次教坊提點率教坊八侍衛官各就  
列皇帝常服乘輿至別殿後幄次通事舍人

引宣徽使版奏中殿復位少頃又奏外辦幄簾

卷教坊樂作扇合兩宮皇太后出自後幄並即

御座南向扇開樂止分左右通事舍人引文武百僚

班左入依品重行西向立定通事舍人唱起居班

依常朝例起居七拜訖引文武百僚班分東西

相向立通事舍人太常博士贊引太常卿前導押

册官押册官押册而行奉册太尉讀册中書令舉

册官等以次從之凡太尉司徒行並通事舍人太

常博士贊引次押寶官押寶而行奉寶司徒讀寶

侍中舉宝官等以次從之俱自正門入教坊樂作

至殿庭曲階下少東北向于褥位少置樂止北

南其册函蓋先去置於册床上通事舍人太常

博士贊引太常卿前導押册宝官押册升樂作奉册

太尉等從之進至兩宮皇太后座前褥位訖

樂止西宮冊寶舉冊官夾侍奉冊太尉各搢笏北

向跪俛伏興退立讀冊中書令俱進向冊前跪

奏稱攝中書令具官臣某言讀冊奉冊官單跪對奉

冊冊官並先進復西階下東向立中書令各搢笏

讀訖執笏俛伏興搢笏捧冊興於位東迴冊函北

向並進跪置于御座前褥位訖中書令舉冊官

俱降還位奉冊太尉並降階東向以俟押寶官押

寶升樂作其寶函蓋先去置于階上寶床上奉

寶司徒等從之進至兩宮皇太后座前褥位訖

樂止奉寶官夾侍奉寶司徒各搢笏北向跪俛伏

興退立讀寶侍中俱進當寶前跪奏稱攝侍中

具官臣某言讀寶舉寶官單跪對舉押寶官並先

退復西階下東向立侍中各搢笏讀訖執笏俛伏

興搢笏捧寶興于位東迴寶西北向並進跪置於

御座前褥位冊之南通事舍人太常博士贊引太

尉司徒以次應行事官俱降自西階復本班叙立

宣徽使一負詣皇帝御幄前俛伏跪奏具官

臣某言請皇帝詣兩宮皇太后前行稱賀之

禮 本部擬俟 皇太后並升座即 奏請 皇

帝于 殿上稍南西向侍立至讀冊定訖 奏請

行稱賀之禮 殿上 奏請不跪 奏訖俛伏興

凡奏請贊引 皇帝再拜訖又 奏請北向跪

賀曰 嗣皇帝臣某言 云云 俛伏興又再拜訖又

奏請 皇帝少立內侍承 旨退西向稱兩宮

皇太后旨云云 皇帝再拜宣徽使前引 皇帝

歸幄常服乘輿還內侍衛如來儀應階下文武百

寮重行立定通事舍人唱拜在位皆再拜通事舍

人引太師詣西階升俛伏跪 奏稱文武百寮具

官臣某等稽首言 皇太后殿下顯對冊儀永安

帝養仰祈福壽与天同休 賀訖俛伏興降自西

階復位立定通事舍人唱拜在位官皆再拜舞蹈

三稱萬歲又再拜記宣徽使升自東階取 旨退

臨階西向稱兩宮 皇太后 旨通事舍人唱拜

在位官皆再拜訖 宣曰

公等忠敬盡心推崇協力膺茲令典感愧良深宣

訖還位通事舍人唱謝 宣諭拜在位官皆再拜

舞蹈三稱萬歲又再拜訖通事舍人分引應北向  
 官各分班東西立定宣徽使升自東階 奏稱具  
 官臣等言礼畢降還位扇合 皇太后並與教坊  
 樂作降座還 殿後幄次扇開樂止通事舍人引  
 宣徽使 奏解嚴中書侍郎等各帥捧冊床官升  
 殿跪捧冊並置于床次門下侍郎等各帥捧宝床  
 官升 殿跪捧宝並置于床訖通事舍人引詣  
 東上閣門投進所司文武百寮以次出 皇太后  
 常服乘輿合還 本宮引導如來儀文武百寮詣

東上閣門拜表賀 皇帝訖退 部元呈有謂 禮畢 廟不見施行

各赴 本宮受內外命婦稱賀所司預於 殿內

設 皇太后 御座司賓引內外命婦于 殿庭

北向依序立定尚儀 奏請 皇太后常服即座

司贊曰再拜命婦皆再拜訖司賓引班首詣西階

升跪賀稱妾某氏等言

伏惟 皇太后 殿下天資聖善昭受鴻名凡在

照臨不勝欣忭言訖起降階復位司贊曰再拜內

外命婦皆再拜尚宮承 旨降自西階于命婦之



北東面稱 皇太后旨司贊曰再拜在位者皆再拜訖 宣荅

膺茲典禮感愧良深司贊曰再拜在佐者皆再拜訖退赴 別殿賀 皇帝亦如賀 皇太后之儀惟不致詞不 宣荅

司賓司贊尚儀尚宮等擬用知禮內侍人等充如無用閣門

皇統元年冊 皇后

天眷元年十二月二十五日 命貴妃裴滿氏為

皇后制曰易基乾坤以大陰陽之統詩經夫婦乃先后妃之風故三代之令王謹六宮之內職况承宗廟儷辰極以居尊用正人倫揭母儀於無外事所繫者甚重道相頌而後成非朕敢私自天作配猗歎誰氏迺茂徽音若稽舊章誕布寵命貴妃裴滿氏慶鍾戚里教肄公宮夢月方娘生而固異俛天之妹卜則允臧爰用聘於 先朝乃來嬪于初載禮肅舅姑之奉訓無師傳之違道著家人名膺邦媛逮予宅統率履在中承祀孔魚睦親克孝蹈

貞賢之警戒知臣下之勤勞績女惟行輔服不逮  
居軒后四生之列貴則益恭在周六服之儀缺然  
未講宜蠲吉旦正位長秋于戲為望甚尊有同乎  
天地流風自近以至于家邦言雖戒於閭閻令莫提  
於身正息宜逮下志務求賢非儉德不能懲奢泰  
之風去私謂可以贊正直之道慎終如始永孚於休  
皇統元年正月二十一日習發冊及 功成殿像  
二十二日行冊禮揖行事官就用初十日上 尊  
號員數并行禮用內外命婦 奏定三品以上次

室封號二十八日

皇后謂

祖廟

冊文

皇

帝若曰夫地承天而効法所以合德無疆月通日

而生明故能容光必照是以有國有家者必選立嘉

配以上承宗廟而降德于臣民古今一也 我國

家 累聖重光開基垂統用端命于上帝亦惟內

德相繼匹休姜任燕謀所貽敢忘口紹咨尔裴滿

氏柔惠端淑得于天成發慶鍾祥世有 顯聞自

越初載來嬪潛印笄珈紉組率履無違逮朕纂服

章明婦順表率勤劬陰教修明雖已崇建位號而

典冊未舉 朕意歎然今遣太尉裴滿胡塔揖司徒昂持節授爾冊室副禕重翟宏育用光備物充庭一遵古禮朕惟王業所基率由內治和睦自中化馳如神爾克勤人用弗敢弃日爾克儉人用弗崇侈尔克正人用弗敢迂乃心倚乃身勉思其終惟慎乃濟天其申命於我家爾亦永膺多福豈不違欵 攝行事官各與 恩賜總領冊禮太師宗幹金一百五十兩銀絹三百兩疋段子五十冊使太尉胡塔金一百兩銀絹二百兩疋段子二千以令各有差

天德二年冊 徒單氏

天德二年九月二十一日 詔冊惠妃徒單氏今有司擇日備禮施行

詔書下禮部至冊禮畢十月十一日遍下 差待制王競等三員監看鑄篆冊室并法物兵部郎中劉仲延等三員監看成造匣盪床等命侍讀劉長言撰冊文王競書丹篆室 命禮部尚書宗安十

月七日告 天地持進按打海告 宗廟各差引  
贊行礼太常博士通事舍人并讀祝官一員

五礼精義云 冊命夫事先告天地宗廟示不敢  
自專社稷地祇之屬不必皆告 冊使太尉以正

負充副使司徒以左相思忠攝侍中三  
一奉中嚴外辦一承制一奉寶讀寶進入内中書

令一奉冊讀冊進入内 門下侍郎三

一引寶兼進入内二奉節 中書侍郎一  
引冊兼進入内 宣徽使礼儀使吏部礼部侍郎

各一奉冊中書舍人舉寶給事中各二捧冊捧寶  
官各四並宰執以次攝充并差引贊行礼九員

冊使副使讀冊讀寶引冊引寶兩奉節礼儀使昇  
寶蓋官十二昇冊画官十八大樂令協律郎主節

二閣門使典儀司贊一符寶郎八通事舍人十贊  
者二閣門司内侍局十月九日 勤政殿發冊

泰和殿受冊并命婦賀儀 九月二十七日稟過 前一日儀鸞

司設坐 勤政殿南向設羣臣次於 朝堂大樂

令辰宮懸午 殿庭設協律郎舉麾位于樂懸

西北東向閣門設百班位於庭並如常朝之儀  
又設典儀位於班位之東北贊者二人在南少退  
值西向設冊使副位於殿門外之東又設冊使  
副受命位於百官班前又設冊室幄次二於殿  
後東廂俱南向

前一日尚書工部奉冊室進入其日諸衛勤所

部畧列黃麾細仗於庭

用前六部攝官七十一員擎執六百七十八符室  
即八奉室置於左右吏部侍郎奉冊禮部侍郎奉

室匣皆置于床訖出就門外班大樂令協律郎樂  
工典儀贊者各入就位羣官等依時刻集朝堂俱  
就次各服朝服侍中約刻版奏請中嚴通事舍

人引羣官入就于庭東西相向立以北為上又引  
冊使副立于東偏門西向門下侍郎引主節奉節  
立於殿下東廊橫階道北中書令中書侍郎帥  
舉捧官奉冊床立于節南侍中門下侍郎帥舉捧  
官奉室床立於冊床之南俱西向侍中服奏外  
殿上索扇協律郎奉麾宮懸奏曲皇帝服通

天冠絳紗袍出自東房曲直華蓋警蹕侍衛如常  
儀即座南向坐簾捲樂止通事舍人引冊使副入宮  
懸奏曲使副就受 命位侍中書令門下侍郎  
中書侍郎奉捧官依舊西向立群臣合班 橫行北  
面如常朝之儀立定典儀曰再拜贊者承傳班  
首已下羣官在位者皆再拜班首問 起居又再拜  
閣門官引攝侍中出班承 制降詣使副東北西  
面稱有制使副稍前揖躬再拜揖侍中宣制曰命  
公等持節授 后冊室宣 制訖又俱再拜侍中

還班門下侍郎引主節詣冊使所主節以節授門  
下侍郎門下侍郎執節西授太尉太尉受付主  
節主節立於使副之左右門下侍郎退還班位中  
書侍郎引冊床門下侍郎引室床立於冊使東北  
面西以次授於太尉太尉皆捧受冊床置于北室  
床

令禮儀使舉捧冊室官及昇床者退於  
相向立門下侍郎中書侍郎退還班位  
承傳羣官在位者皆再拜群官拜訖分

舉捧昇冊室床者進冊床先行讀冊官  
室官次之舉捧官告分左右通事舍人  
持節者前導太尉初行宮懸樂作出  
出班升 殿奏侍中臣言禮畢 殿上  
曲降入自東房樂止通事舍人引羣官  
太尉司徒復 命禮畢還內先是有司  
品輦車鹵簿于門外至 殿門左右排  
振作

鹵簿依本品合得人數如無鹵簿鼓吹即代以錦  
衣人從禮儀使舉捧官執節者并擡昇人以冊室  
少駐于 泰和門太尉司徒及讀冊官暫歸幕次  
內侍閤門引入 泰和殿俟至 殿下位鼓吹止  
有司宿供張 泰和殿設 皇帝座於殿前  
殿上垂簾又設東西房于座之左右稍北又設受  
冊位于 殿庭西階之南東向又設內命婦次于  
殿之左右太樂令設宮懸于庭協律郎設奉麾位  
於 殿上又設冊室次于門外又設行事官次于

門左右又設外命婦次于門之內其日諸衛于殿門外略設黃麾細伏

用後六御部攝官三十六負擎執三百二十二人有司設二步障於殿之西階簾前設扇左右各十紅繖一在西階欄子外又設奉冊宝案位於使副之前北向又設宣徽使位于北廂南向司贊設內外命婦以下陪列位于殿庭博道之左右每等重行異位北向內命婦在後又設司贊位於東階未南贊者二人在南少退俱西向贊明執事

官大樂令等各就位

內外命婦擬各服其本服 皇后常服乘龍飾肩

輿

肩輿如無用小龍車子代至 泰和殿後閣近伏

導衛如常儀宣徽使 奏中嚴冊使副入門宮架

奏曲俟冊使庭中立樂止 冊在此 宝在南 使副立于床後

禮儀使帥持節者立於前舉捧冊宝官立於冊宝床

左右讀冊宝官各立于其後宣徽使 奏外辦內

侍閣門官引 后出後閣宮懸奏曲簾捲



如首飾禕衣難迭成造即用 皇后拜天服 皇  
后降自西階

皇后升降並內侍閣門引左右步障繖扇從至階  
下望 勤政殿 御閣所在立樂止冊使進立于

右宣曰有 制閣門使內侍贊再拜冊使 宣曰  
制遣太尉臣某司徒臣某恭授 后冊寶閣門使

內侍贊再拜冊使少退中書令侍中及奉捧官率  
擗昇人奉冊寶以次進于前宮懸奏曲冊寶床自

東階外並置于 殿之前楹間 冊寶床在北  
中留讀

冊寶官立位並去帕及蓋擗人執之退立于西

朶 殿舉擗官分左右相向立讀冊寶官各立於

床之未西向立既定樂止閣門使內侍贊再拜捧

謝表官以表授左右內侍內侍以授后受訖以付

右立內侍內侍持表立于右閣門使贊再拜訖冊

使退宮懸奏曲持表內侍以表付閣門官隨冊使

行冊使副至門鼓吹振作如來儀入西偏門鼓吹

止冊使副至 御閣所在俛伏跪 奏太尉臣姓

名司徒臣姓名奉 制授冊寶礼畢俛伏興退持

表閣門官進表近侍接入 進讀訖退初 冊使  
 退及門樂止閣門內侍引 后自西階升 殿宮  
 懸奏曲繳扇止於簾外退于左右朶殿前步障止  
 於階下卷之 后于座前南向立樂止中書令詣  
 冊床南立北向稱中書令臣名謹讀冊讀畢降東  
 階立於欄外第一墀上西向次侍中詣寶床南立  
 北向揖稱侍中臣名讀寶讀畢降階立於中書令  
 之北西向內侍閣門引升床宮懸奏曲坐定樂止  
 奉捧官以次招擡昇人持帕蓋覆匣床奉置 殿

之左右冊床在東 寶床在西 置訖奉捧官以次降階立於中  
 書令侍中之後立定合班面北閣門贊再拜、訖  
 降東階退出 殿門其擡昇人置 冊寶床于東  
 西訖各由朶 殿下階於侍中等班後直出殿門  
 以俟復入擡昇入 宮受冊表謝訖內侍跪 奏  
 禮畢閣門引內外命婦陪列者以次進就北向位  
 班首初行宮懸奏曲至位樂止閣門曰再拜命婦  
 皆再拜閣門引班首自西階升樂作至階樂止進  
 當座前北向躬致稱賀訖降自西階樂作至位樂

止閣門曰再拜舍人承傳命婦等皆再拜閣門使前  
承令降自西階詣命婦前西北東向稱有教 旨命  
婦等皆拜閣門使 宣曰

祇奉 聖恩授以冊寶榮幸之至親屬增深所賀知舍  
人曰再拜命婦皆再拜訖內侍引內命婦還宮班首初  
行樂作出門樂止內侍引外命婦出次宣徽使 奏

稱禮畢降坐宮懸奏曲入東房樂止歸閣宮懸奏曲至  
閣樂止更常服內侍承 教旨 宣外命婦入會並如  
常儀會畢閣門引外命婦降階橫行北向舍人曰

再拜訖以次出還宮如來儀中書門下侍郎計會  
引進司帥擡昇人進冊寶入 內交付與都點檢  
司退別日會羣官會 妃主 宗室等 賜酒設

食簪花教坊作樂如內宴之儀 十一日朝 兩

宮次永壽宮 并十三日恭謝 太廟儀 三日 皇

后既受冊越二日 內侍設座手所 御殿南

向其日夙興宣徽使版奏中嚴質明諸侍衛 宮

人俱詣 寢殿奉迎宣徽使版 奏外辦 后首

飾禕衣 御車內侍前導降自西階以出侍衛如

常儀至 太后之裏門外降車障扇侍衛如常儀  
入至于西廂東向將至宣徽使版 奏請中嚴既  
降車宣徽使版 奏外辦 太后常服宣徽使引  
升座南向宣徽使引 后進升自西階北面再拜  
進跪致謝詞存撫 賜酒食並如家人之儀礼畢  
宣徽使贊再拜訖宣徽使引降自西階以出 門  
宣徽使 奏礼畢降座入 宮前一日齋戒於  
別殿內命婦應從入 廟者俱齋戒一日其日未  
明二刻有司陳設儀仗于 后車之左右以次排

列外命婦先自 太廟後門入內命婦嬪妃已下  
俱詣 殿庭起居訖宣徽使版 奏中嚴少頃又  
奏外辦首飾禕衣 御肩輿取使路至車所內

侍 奏請降輿升車既升車 奏請進發車出  
元德東偏門內命婦嬪妃已下自 殿門外上車  
由 左掖門出從至 太廟門外儀仗止於門外  
回車南向內侍 奏請降車升輿 后降車升輿  
就 東神門外幄次下簾內命婦妃嬪已下降車  
入就陪列位內侍引外命婦詣幄次前起居訖並

赴殿庭陪列位少頃宣徽使詣幄次替行廟  
 謂之礼簾卷宣徽使前導詣殿庭階下西向褥  
 位立宣徽使替再拜内外命婦皆再拜宣徽使前  
 導升東階詣始祖皇帝神位香案前褥位宣徽  
 使奏請三上香又奏再拜訖宣徽前導次  
 詣獻祖已下十室並如上儀宣徽使奏礼畢  
 導歸幄次宣徽使奏請解嚴内外命婦幕次少  
 頃轉伏還内如來儀外命婦退内侍奏請  
 御輿出至車所奏請升車既升車奏請進發  
 内命婦上車至元德東偏門内侍奏請降車升  
 輿后御輿取便路還内命婦從入册礼畢  
 百官上表称贺并以牋贺中宫

雜錄

天會十四年 正旦 帝詣 太皇后太宮賀 御  
 乾元殿受百官 朝賀 十五年天 春元年同 天德二年十  
 一月十五日有司檢照宋哲宗劉太后詣景靈宮  
 其禁衛圖内御龍直傳 聖旨打傘執從物五十  
 三人唐永貞元年憲宗尊母王氏為 太上皇后

其冊儀稱有 今旨元和六年 上皇太后尊號其  
 儀稱有令呈稟訖 皇太后稱令 旨二月五日  
 設永壽永寧宮導駕各三十人 壽安宮太皇  
 導從二十人各設傘子二人九日稟訖盤鳳紫衫  
 幘帶依弩手傘子例又四月二十九日 皇太后  
 太皇太妃每年隨宮錢各二萬貫表二百段絹一  
 千足綿五千兩 貞九儀 皇太后導從駕六十  
 人傘子不在數並服簇四盤鵬團花紅綿襖子金  
 花幘頭金鍍銀束帶

大金集禮五卷

大金集禮第六卷

追謚后

聖穆 光懿皇后

欽獻皇后

欽仁皇后

惠昭皇后

永寧宮

欽慈 貞懿皇后

宣獻皇后

昭德皇后

悼平皇后

聖穆 光懿皇后

皇統三年八月二十二日上 欽仁皇后 尊謚

敬事節用曰欽貴賢親之曰仁 命待制高士

談撰冊文 命都點檢元當日告 廟命太尉裴

滿達奉上 冊室中書令韓企先進冊平章奕攝

侍中左承宗憲右丞蕭仲恭揖門下中書侍郎大理

卿馬訝讀室待制趙澗等四負舉冊并太常卿太

常博士一二月十一日乙卯孝孫嗣皇帝臣諱謹

再拜稽首言曰臣聞止位麗極肇造我家者必資

淑聖然後成帝王之功考謚定名昭示厥後者非



薦徽尊無以見后妃之德繫國朝之令典著今古  
之彝儀伏惟 太母博厚配天貞明齊日安順靜  
懋肅雍塞洲開王化以始基篤人倫而正本慶流  
者遠抵坐胄族之華善積在躬秀發閨齡之妙言  
為圖史動合箴規鏘璜瑤以和鳴容皆中節飾絃  
絃而整治藝則生知粵自高門言歸 烈祖時屬  
經綸之際進膺窈窕之求禮未備於造舟志已躬  
于服澣義文六子資生允賴于坤儀周亂十人同  
德莫先于文母体參龍躍祥發燕謀贊榛栗以告

虔羞蘋蘩而昭信必敬必戒至靜至柔教以身而  
先人化自家而刑國琴瑟在御副禘以朝若媽訥  
之虞嬪用全舜孝過塗山之具夏寔佐禹功有開必  
先篤坐 皇考立予以適肆及眇躬承惟輔佐之  
憂勞既勤祖構宜享治安之逸樂遽棄祖母儀迄  
茲纂承弥極攀慕弗獲逮事徒瞻服飾之山河未  
究推尊有感承嘗之霜露是以秉均元老蒞禮領  
儒謀皆一辭龜得吉吉卜請奉長秋之號追嚴厚夜  
之藏強為之名道或存于擬議俄爾可測功豈盡

于形容謹遣揖太尉皇叔祖大司空昱奉玉冊室  
上 尊謚曰聖穆皇后伏惟皇靈在天景福後昌  
衣冠原廟聿從高帝之游松柏闕宮寅奉姜嫄之  
祀名貽不朽德播無疆嗚呼哀哉謹言 二月十  
一日乙卯孝孫嗣皇帝臣諱謹再拜稽首言曰臣  
間塗山儷禹史稱啟夏之功莘國配文詩播其周  
之美洪惟令德夔掩前芳苟非著勤崇莘後之公  
何以申報夙飾終之孝若稽典冊允協神人恭惟  
皇后挺生名宗來符典運稟是柔嘉之性形為

貞靜之姿蚤以賢稱遂為聖偶窈窕率禮藹閔睢  
淑女之風儆戒持心得鷄鳴賢妃之道我 烈祖  
登大宝之始而 太母正宮中之尊助日宣光配天  
居體躬蘋蘩以奉宗祐服澣濯以訓宮庭至于敬  
老尚賢矜孤閔乏嘗聞國論言必有稽聞預兵機謀  
無不中歷覽千古實一人志存社稷澤溢子孫之  
遠逮膺續紹彌用追懷悵慈範之永違悅徽音之  
如在致四海之養既弗及于承顏備萬物之儀固  
無能於稱德尚書政府宗伯禮官僉謂移御舊宮

升祔世室宜刺六經之載用光百世之傳謹遣揖  
太尉皇叔祖大司空昱奉 玉冊玉宝上尊謚曰  
光懿皇后伏惟俯納精誠昭膺懿號珠襦玉匣  
陪弓劍於軒臺風馬雲車從衣冠于漢廟永綏純  
嘏幽贊丕圖嗚呼哀哉謹言 八月二十一日乙  
巳孝孫嗣皇帝臣諱謹再拜稽首言曰昔我 皇  
祖誕膺天命肇造區宇用垂統于後世至于 太  
宗聰明勇智克篤前烈迄用有成聲教暨于朔南  
仁恩被於動植天監厥德用錫無疆之休雖簡在

帝心本自 神聖而輔佐憂勤實与有力恭惟

太皇太后坤靈毓粹圓魄儲精作合皇家儷  
體宸極儉以約已勤以率人陰赦行于六宮素風  
表于千祀用能体資生之道助播物之功四海莫不  
蒙仁二儀于焉饗德雖塗山啟夏渭涘興周無以  
專其美也及 先皇厭代哀戚過礼就養東朝德  
輝彌耀顧惟寡昧嗣守丕基方賴慈訓庶臻于理  
而昊穹弗憖大教俄及惘然追懷哀恫曷已今者  
卜筮告吉因山有期爰制近司請明舊典惟舉位

九年集卷六  
以定名考謚以尊德所以揚茂美而傳休聲由周  
而來率用是道庶憑徽號以稱褒宗謹遣太尉行  
會寧牧鄭國王臣裴滿達奉冊寶上尊謚曰  
欽仁皇后伏惟聖靈在天今名不朽光配清廟  
永無疆嗚呼哀哉謹言

惠昭皇后

天會十三年九月二日追冊惠昭皇后徽宗

景宣帝后

永寧宮

貞元三年十月二十一日上永寧宮謚曰慈憲  
視民如子曰慈行善可紀曰憲九月七日稟訖於  
殯殿親行礼外尚書省就便差官八日差侍講胡  
礪撰謚議李士施宜生撰謚冊文禮部侍郎王競  
書篆冊寶並給勅十月日命太師思忠克大禮  
使右相師恭左相張浩攝侍中奉寶讀寶平章張  
暉蕭玉揖中書令奉冊讀冊左右丞參政攝引寶  
門下侍郎引冊中書侍郎三品以上四員充舉寶  
舉冊官并差昇寶盞官十二昇冊匣官十八太常

博士五

引大禮使侍中書令并引冊室床翰林使二讀  
 祝太祝一舉祝冊奉禮即二十八日遣使 丞承  
 殿 奏告百官陪位二十一日行礼前期有司供  
 帳於殯 殿設 神御床案及設小次於 殿下  
 東廂又設冊室幄 殿于東廊南空地內 殿前  
 司宣徽院約度差甲騎旗鼓門仗官香輿自製造  
 冊室所迎奉 冊室奉安于 殿騎從是日未明  
 有司鋪設香案供具等物于 神位前設祝冊案

於 神位之右又設拜褥三一在阼階上西面  
 殯殿別無阼階於殿東階上面西設拜褥一在香  
 案南面北一在 殿上東欄子內面西質明有司  
 備常行儀仗 皇帝自宮中便服乘馬百官後從  
 大禮使已下行事官等公服于 殯殿門外迎立  
 殯殿門外下馬步入小次少頃御史臺值班大  
 禮使行事官自幄殿奉 冊室於 殿西階下置  
 定大禮使歸押班位閣門使 奏班齊 皇帝更  
 衣太常卿 奏請行奉上冊室之禮宣徽使太常

大令集卷六  
七  
卿分左右導升阼階上詣褥佐面西立宣徽使太常卿前侍宣徽使贊請再拜

凡拜者宣徽使贊請 閣門使臚傳在位官皆再拜贊請由 殿上玉門入於香案前褥位再拜上香又再拜退稍東于攔子內面西褥位立定典儀司徹香案前拜褥設冊宝褥位于香案南奉冊昇冊官取冊匣于床對捧由西階升中書侍郎分左右前導奉冊中書令讀冊中書令並後從候褥位置定中書侍郎奉冊昇冊官稍退立奉冊中書令

稍前於褥位再拜退就殿階上西南柱外面東立讀冊中書令稍前再拜昇冊官取匣蓋下置于西階下冊床上奉冊對舉冊讀冊中書令一拜跪播笏讀訖就一拜起又再拜退立於奉冊中書令之次

凡讀冊宝祝文 皇帝皆跪聽奉冊中書令少進與中書侍郎率舉冊昇冊官奉冊匣由西階下引從如上儀復置于冊床置定舉宝昇宝官以宝盞升至侍中讀畢由西階下復置于床皆如冊匣之

儀有司徹冊宝褥位復設香案南拜褥宣徽使太常卿前導 皇帝進就褥位再拜上香上茶上酒樂作三爵樂止太祝讀祝文訖再拜復歸作階褥位立定大樂使升 殿于香案南宣徽使處受福酒恭詣作階褥位前宣徽使贊 皇帝再拜飲福大禮使跪以酒盞進 跪飲訖大禮使跪受酒盞宣徽使贊再拜閣門臚傳在位官皆再拜大禮使以酒盞復授宣徽使訖由西階下歸班位太常卿宣徽使前導歸小次即座簾降太常卿跪 奏禮

畢 皇帝使服百官皆卷班西出大禮使以下奉冊宝床納于殯殿左右相當處推行收頓有司轉使由來路奉 車駕還內

大定二年四月九日改 德宗為明肅永壽宮贈為哀 皇后慈憲未改舊謚二十二年四月十一日明肅降遼王正妃追封遼王妃夫人李氏娘子徒單氏并庶人所生母並封王夫人誥用漢字分付其孫元奴

欽慈

大定元年十一月十五日 追冊 皇妣蒲察氏  
曰 欽慈皇后 皇妣李氏曰 貞懿皇后

宣獻皇后

大定二年四月 禮官檢引宋太常因革禮太平興  
國二年勅越國夫人苻氏故夫人尹氏並追封冊  
皇后今所司擇日備禮冊命禮院 奏伏惟周廣  
順元年九月中追冊皇后柴氏顯德四年追冊皇  
后劉氏並不行冊禮建隆三年追冊皇后賀氏亦  
不行冊禮詔依建隆三年故事又宋會要建隆元

年追冊帝母為皇太后仍令有司擇日備禮後不  
行冊禮自後凡制書云冊命者皆未嘗行冊禮兼  
昨者追冊 睿宗皇帝 欽慈 貞懿皇后亦

不曾行冊禮令 睿宗母及故 皇后加上 尊  
謚有無依典故休例尺降詔追冊尋擬 奏合行

詔從之 睿宗母謚宣獻 聖善周聞曰宣  
聰明睿智曰獻 一十六日降 詔曰恭惟 祖

妣作合 太尊慶育睿考致 三靈眷佑 邦祚  
以永而天祿集于眇躬尊祖之義禮宣報 本以



朕心嚴 父之孝推 聖考念母之誠等而上之  
志非敢後謹上 尊謚曰 宣獻皇后仍令有司  
擇日備禮冊命主者施行布告中外體予至懷

昭德皇后

大定二年四月二十六日 詔曰國家之體典故  
其存正位居尊必緣情而及伉儷懷昔追遠亦備  
禮以盡哀榮爰舉愍章用慰寃宥下逮視寢悉使  
正名庶幾有知欽承休命故妃烏林荅氏可追謚  
為昭德皇后仍令有司擇日備禮冊命故夫人僕

散氏可追封元妃故夫人張氏可追封宸妃主  
施行布告中外咸聞知

大金集禮第六卷

終

大金集禮第七卷

妃

冊 太皇太妃

追封

雜錄

冊 太皇太妃

天德二年正月二十五日尊冊 太皇太妃命特進宗  
睦特進宗厚充冊使副左丞宗義攝侍中參政劉麟攝  
中書令門下中書侍郎各二讀冊讀寶官各一舉冊舉

寶官各二以三品四品官攝充太常博士通事舍人有

正官外差內給事一禮直官一昇室盞官十二昇冊匣

官十八命直學士劉長言撰冊文禮部侍郎王競書篆

冊室二十一日擬稟行禮儀式并冊室等事准行外候

二太后禮畢于太和殿發冊冊簡用玉石為之條

數合扣冊文多寡用之其床匣亦隨冊之長短並紅漆金

鍍銀裝釘絲網用紅絲帕用梅紅羅銷金以雲鳳為飾

觀褥亦用素紅羅表紅絹裏檀骨全室以金為之龜

紐從小宜製造下斂水地四面斂雲鳳檢斗並用

銀金鍍室盞并床並紅漆金鍍銀裝釘帕用梅紅

羅表紅絹裏銷金以雲鳳為飾觀褥亦用紅羅表

紅絹裏檀骨全法物依前來製度其日質明應行事官

帥擎手繳子門伏官於尚書省引導冊室進入

內由蕭牆東門至勤政殿東廊下幄次內權置

禮直官引揖侍中中書令讀奉昇冊室官昇冊室

床擎手繳子等並在東廊下于冊室幄次前立以

俟禮直官又引冊使副立于勤政殿門外東西

相向立以俟皇帝即座衛官文武百寮起居訖

分東西相向立禮直官通事舍人太常博士引冊使副入就冊寶褥位稍西當中北向典儀曰再拜替者承傳在位官皆再拜

典儀與替者擬通事舍人克侍中承旨降自東階詣冊使前東北西向稱有制典儀曰再拜替

者承傳冊使已下應在位官皆再拜侍中宣曰冊

元妃為太皇太妃公等奉玉冊金宝展禮宣訖冊使副再拜侍中退復位次引冊使詣受冊褥位立定又引中書令詣冊使前東北西向立中書

侍郎引冊案立于中書令之右中書令跪取冊授

冊使跪受訖與置于案

奉案者退立于後冊使中書令中

書侍郎俱退復本班次引副使詣受寶褥位立定

又引侍中詣副使前東北西向立門下侍郎引寶

案立於侍中之右侍中跪取寶以授副使跪受訖

與置于案

奉案者退立于後

副使侍中門下侍郎俱退復

本班典儀曰再拜替者承傳使副以下應在位官皆再拜訖禮直官通事舍人太常博士引冊使押冊副使押寶出引導守如來像宣徽使奏具官

臣某言礼畢降座百官出 發册訖册使副應行  
事官分引册宝至 太皇太妃本官外幄次内權

置訖册北内給事先入報請 太皇太妃服榆翟

服行礼甫近就座礼直官通事舍人太常博士引

册宝并使副及應行事官内給事俱入就 殿庭

前西階下東向位册宝少置册北使副及行事官

立于其後少頃又引内給事進就南向立礼直官

通事舍人太常博士引册使副就内給事前使副

東向稱 皇帝遣册使姓名副使姓名奉玉册金

宝上 懿號曰 太皇太妃内給事先升詣座前

躬言訖次礼直官通事舍人太常博士引册宝前  
行

册宝匣盪蓋先去置於册宝床上使副并讀奉册

宝官從升内給事少進東向立昇册官當座前奉

册宝官單跪對奉讀册官拜跪讀訖俛伏具以册

授内給事昇宝官昇宝盪升並如册儀使副具行

事官並退内給事贊言禮畢

追封

天會十三年二月追冊 德妃 賢妃以韓金先  
 為冊贈使 皇統五年十二月二十九日以諸妃  
 所封多同詳定到 元妃 惠妃 麗妃 華妃  
 唐制皆正一品擬用封 先帝諸妃仍以宮名別之  
 如叔國天輔年 諸妃則曰 慶元宮某妃 天  
 會年 諸妃則曰 明德宮某妃 景宣皇帝於  
 典禮亦當立 原廟建宮名其妃號亦當冠以某  
 妃其高下之序則以 元妃 惠妃 麗妃 華  
 妃 貴妃 淑妃 德妃 賢妃為次其冠以

先帝宮名者先 慶元宮次 明德宮 勅旨准奏  
 大定二年四月二十六日 詔追謚 昭德皇后  
 并故 夫人僕散氏追封 元妃故 夫人張氏  
 追封 震妃十一月十五日 宸妃改封惠妃  
 十九年八月奉 勅旨故膺撒妃追封 太皇太  
 妃有司擬 奏晉成帝 貴人周氏生 哀帝即  
 位崇為 皇大妃 孝武 母李氏 孝武即位  
 加為 皇太妃 二妃皆以子貴故稱太又 唐  
 皇后傳入廟稱后係夫在朝 太係子与今 蕭

妃事體不同恐難稱 太皇太妃兼照到 本朝

太祖妃烏古論氏曰 元妃 太宗妃耶律氏

曰 崇妃合依已行故事追封妃號 勅旨從

之追封 崇妃差官賚送 誥命仍致祭候將來

一就掩葬

雜錄

天德二年二月五日設 太皇太妃導從二十人

傘子二人九日稟訖盤鳳紫衫幘帶依弩手傘子

例四月二十九日 太皇太妃每年錢二萬貫表

二百段絹一千疋綿五千兩妃每位歲給錢一萬

貫表一百段絹三百疋綿三千兩嬪已下五千貫

表五十段絹二百疋綿二千兩諸妃嬪共設導從

四十人並幘頭紫衫、上繡盤芭蕉為飾

貞元儀式 妃嬪導從共用二百二十人衣襖幘

帶並仍帶 大定二年七月五日擬 奏正隆二

年四月海陵庶人批劄內職尚宮夫人以上及公


主王妃郡縣主王夫人 誥命並用 御宝相銜

王妃王夫人亦入辭檢討到唐會要吏部告身印

加告身兩字又太常因草禮皇后告身有司進納  
 于宮中見得妃嬪已下告身並合有司用印 勅  
 旨依興故行二年十一月十五日 勅旨內職四  
 品以上給宣誥五品以上只給告七年閏七月一  
 日 勅旨令後宮中 親王及 妃嬪等 宣誥  
 並以漢兒字給授十一年八月三日 勅旨今後  
 宮中妃嬪止以誥授不須用宣二十三年三月七  
 日 勅旨一品官職及宮中 公至妃用王賢九  
 日稟奏緣內職 公主 王妃等並係誥授用史  
 部告即奉 勅旨妃嬪已上及 公主王妃並給  
 宣誥其誥仍舊已下止給告

大金集禮第七卷





律